

INUILLI Bestyrelsesmøde nr. 4 for perioden 2017 - 2021

4. Siulersuisut ataatsimiinnerat, Nuummi, HHE, ulloq 28.05.2018

Peqataasut:

- Karsten Lyberth-Klausen (KL-K) siulittaasoq
- Lena P. Fisker (LPF) siulitt.tullia
- Daniel Skifte (DS)
- Jeppe Ejvind Nielsen (JEN)
- Paarnannguaq Tittussen (PT)
- Christian Laursen (CL)
- Poul Nørris Christensen (PNC) pisortaaneq
- Jens Høegh Andersson (JHA) sulisunit toqqagaq
- Anna Marie Knudsen (AMK) ilinniartitaanermut pisortaq, pisortaanerugallartoq, imaqarn.

Najuutinnilaq:

- Jes Nyborg

Ataatsimiinneq nal. 09.00 aallartinneqarmat KL-K tikilluaqqusisuuvoq. Oqaluuserisassat akuersissutigineqarput, taamaattorli oqariartuutigineqarluni ukiup ingerlanissaanut "assakaasoq" siulersuisut ataatsimiinnginnerini oqaluuserisassanut ilanngullugu taakkununga nassiunneqartalissasoq.

Imm. 1. Siulersuisut ulluni 23.2 – 26.2.2018-ni ataatsimiinnerisa imaqarniliorneqarnera, akuerineqarnera atsiorneqarneralu.

Imaqarniliaq akuerineqarlunilu atsiorneqarpoq.

Imm. 2. Piffimmi matumani suliniutit qanoq ingerlanneqarnerat aalajangiiffigineqarnerilu.

Upernaviarsuk:

Upernaviarsummi savat inaanik piffissami sivisujaami iluarsartuuisoqarsimavoq, ukiallu ingerlanerani naamassineqassalluni. Tamatuma saniatigut piffimmi najugaqarfiit atortorissaarutillu iluarsartuuneqartariaqarput, suliniutissallu kr. 3-4.000.000-ninik naleqassangatinneqarlutik. Naalakkersuisoqarfimmik ataatsimeeqateqareernikkut siulittaasoq isumaqarpoq, oqartussaaffimmi Naalakkersuisunngoqqammersoq Vivian Motzfeldt, piumassuseqartoq suliniutit aningaasalersorneqarnissaanut aningaasaliisoqarnissaanik piviusunngortitsiniarnissamut. (Savaatilinnngorniat Ilinniartitaasarnerannut pilersaarusiaq siulersuisunut nassiunneqarumaarpoq)

Tusagassiutitigut tusarliunneqarpoq Upernaviarsummi misileraaviup minkiuteqarneq pillugu misiliuteqarluni uumasuuteqarnissaa pilersaarutigineqalersimasoq. Tamatumani Kommune Kujalleq, Nunatsinni Uummasuuteqarnermik siunnersuisarfik peqatigalugu pilersaarusiornissamut qaqiliisimapput. Inuilip siulersuisuisa siusinnerusukkut akerlilersimavaat minkiuteqarnerup Savaateqarnermut Ilinniartimmu tapitartuullugu ingerlatsisinnanissaat namminneq akerlerigitsik.

INUILLI Bestyrelsesmøde nr. 4 for perioden 2017 - 2021

UPV-mi ilinniarfimmi pisortaq, siulersuisut ataatsimiinnerinut ataatsimeeqataasartussatut aggersarneqarumaarpoq.

Upernaviarsummi aserfallatsaaliinissat pillugu suliniutiginiarneqartut tusaatissatut tiguneqarput.

FishTech-GL:

FishTech-GL, sisamaqiusanngorlugu immikkoortitigavoq (modulit). Pikkorissartut siullit modulit 3-t ingerlatereersimalerpaat, modulit ataasiakkaat naamassigaangamikkitt uppernarsaaserneqartarlutik. EUC-Nord, Hjørring-imi Specialarbejderinut pikkorissaasernerit naapertorlugit ilinniartitaaneq aaqqissuuneqarsimavoq. Ilinniartitaanerup pikkorissaanertut Naalakkersuisoqarfimmit akuerisaalluni ingerlanneqarnissaa sulii pivirusunngorsimannigilaq, tamatumani Inatsisartunut qinersisoqarsimanera patsisaasimalluni. Inuulip FishTech-imi ilinniartitsisusinnaasunik tutsuiginaateqarluartunik katersisinnaasimavoq. PKU-p aalisakkanik suliffissuarni sulisuusunik ilinniartitsisoqartalernissaanut takoqqusaarutigineqarnissaa pillugu aningaasaliissuteqarsimavoq.

Maannangaaq ilinniartitaanerup imarisassai naammassillugit suliarineqarsimalerput. Sinaakkutissaali pillugit qanoq taakkua isikkoqassanersut sulii ilusilisoqarsimanani, suliami tassani Ilinniartitaanermut, Kulturimut Ilageeqarnermullu Naalakkersuisoqarfik suleqatigineqarsimavoq.

Suliniutip tamatuma isumannaarneqarnissaa siunertaralugu matumuuna Sussi Wille Broge, Ilinniartitaanermut, Kulturimut Ilageeqarnermullu Naalakkersuisoqarfimmeersoq qinnuigineqarpoq CL-i taavalu Inuulip aallartitai eqimattani suliniuteqartoqarnissaanut aggersarneqaaqqullugit. Naapertuuttut isigineqarpoq inersimasunik ilinniartitsisarnertut pineqartut aaqqissuussiffigineqassasut.

Ukiumi tulliuuttumi ilinniartitaanerit ingerlanneqarnerannut atatillugu suliniuginialersaakkat.

2018-2019-mi sap.ak. 209-tut annertussuseqartuni ilinniartitsisarnissat pilersaarusioneqarsimapput. Taakkuli siornatigutulli annertussuseqarput. Taamaattorli ilumut ingerlanneqarsinnaanerinut aalajangiisuujumaarpoq ilumut aaqqissuussinerit naammattunik ilinniartussaqaarsinnaassanersut.

Upernaap ingerlanerani Inuulip pikkorissaasarsimanerit soqutiginnittoqarsimaqaaq. Tamanna pissutigalugu ukiaanerani aaqqissuussinissanut ilumut immikkut aningaasaliisoqarsinnaassanersoq anguniarneqarpoq. Inuulip pikkorissaasarnernik ingerlatsisarnera suliffeqarfiit kissaatigisaat pisariaqartitaallu naapertorlugit ilusilersorneqartarpoq. PKU-mit kissaatigineqarpoq suliamik ilinniagaqarsimannigitsut modul-ikkuutaartunik pikkorissaasoqarnerusarnissaa. Taamatut Inuulip sallaasertarnernut, aalisakkanik suliffissuarni sulisuusunut napparsimavinnilu eqqiaasunut neqerooruteqartareerpoq. Tamatuma saniatigut takornariaqarnernut tunngatillugu sammisunik pikkorissaasarnissaq suliniutigineqassaaq. Pisortat angerlarsimaffiutaani inuttut ineriartornermik pikkorissaasarnissat pisariaqartinneqartut naluneqanngilaq. Tamatumani siulersuisunit DIH/Sana attaveqarfigineqassaaq, pikkorissaasarnertit imarisassaatt pillugit isumasiorneqassalluni. Allatigut pikkorissaasarnissat eqqarsaatigalugit tuniniaasarnerni, kiffartuussisarnerni, attaveqartarnerni, eqqiluisaarnerni HACCP-nullu tunngatillugu pikkorissaasoqartarnissaa aamma pisariaqartuusoq naluneqanngilaq. Sungiusaatigalugu ilinniartunik isumaginnittuusartunik pikkorissaasarnissaq amigaatigineqartoq aamma pisariaqartinneqarluni. Inuussutissalerinermi ingerlatsivinni pisortasut

INUILLI. Bestyrelsesmøde nr. 4 for perioden 2017 - 2021

pikkorissartinneqartarnissaat aamma amigaatigineqartoq naluneqanngilaq, tamatumuuna aamma pikkorissarsimasut tigujuaneeqarnerusalernissaanut aqutissiuisoqarsinnaassalluni.

AMA aqutugalugu pikkorissaasernerit aqutugalugit aningaasaliissutaasartut qaffanneqarnissaat aamma utaqqimaarneqarput. PKU aqutugalugu pikkorissaasernerit ukiunut 3-nut pilersaarusioneqartarput.

Suliniutigineqartussatut pilersaarutit tusaatissatut tiguneqarput.

Ilinniartitaanerit pillugit immikkut suliniuteqartussat.

Ilinniartitaanerit aaqjissuussiffiqeqqinneqarnerinut tunngatillugu Naalackersuisoqarfik "Ilinniartitaanerit ataqatigiissinneqarnissaat tamatigoortuunissaallu pillugit" suleqatigiissitanik pilersitsisimavoq. Tassani ilaasortaasut ilinniartitaanerit assigiinngitsut toqqammavigalugit toqqartorneqarsimapput. Inuili AMK-mut sammiveqartunik toqqagassinneqarsimavoq. Siunertarineqarpoq 11.-12. klassini atuartut inuussutissarsiuteqarnikkut periarfissat toqqammaviginerullugit atuartinneqartassasut, imatut paasillugu oqaluttuutiinnarneqaranik pissusiviusut isiginiarnerullugit misileraassinneqartassasut. Periuseq tamanna meeqqat atuarfiini ingerlatsinerniit allaanerusussaassaaq. Immikkoortoq siulersuisut ataatsimiinnerini qaqiliiffiqineqartassaaq.

Imm. 3. Aningaasaqarneq.

Ukioq manna ulloq manna tikillugu aningaasartuutit, akiliuteqartussanit ataasiakkaanit annaasaqarsimaneq eqqaassanngikkaani paasissutissat tusaatissatut tiguneqarput. Annaasatut pineqartut annertussuseqartut kr. 112.000, tassaapput aalisakkanik suliffissuarni sulisunut pikkorissaanermi akiliutissat Ilulissani pisumi isertinngitsuukkat, tamatumallu saniatigut ilinniagaqartut nerisaqarnermut ineqarnermullu akiliutissaralutik kr. 7.000 miss. annertussuseqartut. Taakkua 2017-mi ukiaanerani pisimasunut tunngassuteqartuupput, Naalackersuisoqarfiullu nammineerluni aalajangiineratigut annaaneqartussanngorlutik. Aningaasat pineqartu Inuilimit naatsorsuutigiunnaagai akilerneqassagaluarpata, Naalackersuisoqarfimmut tuttussanngortinneqassapput Inuiliullu naatsorsuutaanut sunniuteqarnaviaratik.

Pikkorissaanernut tunngatillugu akiliutissat pikkorissaanginnerni tiguneqartalernissaat kissaatigineqarpoq, taakkuli akilerneqarpata aatsaat peqataasoqarsinnaasassalluni.

Imm. 4. Immikkoortut immikkut sammisassat.

Suliffeqarfiit sungiusaatigalugu ilinniarfissatut akuerineqartarnerannut tunngasut

Periuserineqartartut pillugit aalajangersagaq tusaatissatut tiguneqarpoq. Imatut paasillugu, siulersuisut Inuili pisinnaatippaat sungiusaatigalugu ilinniarfiusinnaasut akuerineqartarnissaanut tunngasunik suliniuteqartarnissamut.

Inuilimi sungiusaatigalugu ilinniarfiusinnaasutut akuerineqarsimasut allattoqqissaarneqaleruttorput, taakkumi quppersakkami saqqumisinneqarnissaat siunertarineqarmat. Sallaasiisarfinniit inuussutissalerinermik assistentit ilinniarurusuttut saaffiginnissuteqartartut ikisisaasaanngiqisut tutsiutillattaasarput. Ilinniartutut siunnersuisoqarfitta tamatumani maluginiarlugulu

INUILLI. Bestyrelsesmøde nr. 4 for perioden 2017 - 2021

ilisimatitsissutigisassavaat, ilumut suliffeqarfiit taakkunannga suliffiusinnaasut cater- aamma kantiinani assistent-issanik ilinniartuuteqarnissaminut piginnaasuseqarlutillu periarfissaqarnersut.

Arlaatigut ilinniarfiup tungaanniit misissuiffigineqarlunilu suliniuteqaqataaffigineqartariaqarpoq, suliffeqarfiit ilinniarsimasunik sulisussanik pisariaqartitsisut ikiorserneqarsinnaanersut, taakkumi aamma tassaasarmata ilinniartussanik ilinniarsunik sulisoqanngikkaangamik tiguisinnaajunnaartartut.

Inuilimit anguniarneqartariaqarpoq sungiusaatigalugu ilinniartunik attaveqartarnerup annertusaavigineqarsinnaanera, soorlu ilaatigut assigiinngitsutigut suliakkiissuteqartarnikkut.

Namminersornerullutik Oqartussat peqqussutaat nr. xx, ulloq xx.2002-meersoq naapertorlugu Inuili sungiusaatigalugu ilinniartunik tiggumminnissinnaasarpog. Peqqussummi ersarissumik allaqqasoqanngilaq ilinniarsimasog ilumut qassinik ilinniartoqarsinnaatitaanersog.

Siulersuisuni ataatsimeeqataanerni suliffigisamit akissarsiasatigut annaasaqartarneq:

Sulisitsisog piginnaatitaaffeqarpoq, inuk siulersuisuni ilaasortaasimappat tassani ataatsimeeqataanerani akissarsiasatigut ilanngaatissallugu. Tassami pisortanit immikkut qinikkatut annaasaqartitsinnginnissaq matumani aalajangersaavigineqarsimanngimmat. Siulersuisuni ilaasortat honorar-isiaqartinneqartarput, taakkuli akissarsiasanit annaasaqartarnerni taartisiassatut isigineqartarlutik. Inuilip Peqqissaqarfimmu saaffiginnissuteqarniarpoq, tamatuma ajornartorsiutigaqarfiusinnaasarnera pissutigalugu.

Maleruagassat naapertorlugit aamma ullormusiaqartitsisogartarpoq.

Imm. 5. Tema/Immikkut sammisaq:

Siunnerfiit Iliuseqaatiginiakkallu.

Inuilimit siunniussat pillugit qanoq tamakku piviusunngortitsiviginiarnissaanut siumut pilersarusiortoqassaaq. Siumut pilersarusiat "tigussaasunngorlugit" suliarineqartassapput, taavalu qanoq inissisimanersut pillugit "aqqutaani qulliliortoqartassalluni".

Imm. 6. Siulittaasumit pisortaanermiillu ilisimatitsissutit.

Siulittaasog.

Siulittaasumit ilisimatitsissutigineqarpoq ilinniarfinni ilinniartitsisut sulinerminnut tunngatillugu aalajangersaaffigineqarnerat uninngagallartoq. Tamanna naammaginngilaq, tamakkumi AK-mut tunngatillugu ukiut 4-lli matuma siornatigulli isumaqatigiissutigineqarsimagaluarmata. Tamatumuuna akissarsiat qaffaallatsinneqarsinnaapput, tamatumanili sulinissamut aalajangersakkat akuersissutigineqarnissaat aalajangiisuutinneqartarlutik.

KHRU manna tikillugu ilinniarnermiinnik TechCollege, Aalborg, naamassinnissimasut pillugit ilinniarsimanermut uppersaasatissanik tunniussisarsimagaluarpoq. Oqariartuuteqarsimappulli tamanna inatsisinut atuuttunut naapertuutinnitsoq. Manna tikillugu taamatut aalajangiisoqarsimanera allanngortinneqarsinnaasimanngilaq, taamaattumillu Naalakkersuisoqarfiup Inuili qinnuigisimavaa ilinniagaqarsimanermut uppersaasatinik tunniussisaleqqullugu. Siulittaasup

INUILLI. Bestyrelsesmøde nr. 4 for perioden 2017 - 2021

apeqqut tamanna pillugu malersuiffiginninniarpoq, tamannami aamma ilinniagaqartunut allanut – Danmarkimi pingaarnerusutigut atuariatortartunut – attuumassuteqartuummat.

Manna tikillugu imak isiortoqartarsimavoq, Nunatsinnit TechCollege-mi ilinniariartortinneqartut, nunatsinni ilinniartitneqarsimanertik "nassarlugu" iluaqutigalugulu sivikillisaavigineqartarsimammata. Danmarkimut pereeraangamik danskit ilinniartitaanermut maleruagasaanut "pulasiinnarneqartarsimapput", tamannalu naapertorlugu danskisut ilinniagaqarsimanermut allagartarsisneqartarsimallutik (svendebrev). Taamatut aalajangiisoqarneratigut nunatsinni ilinniarnermik aallartitsisimasut PIU-mik ilinniagaqarsimasutut isigineqartalissapput – tassalu nunami allami sungiusaatigalugu ilinniagaqarsimasutulli aaqqiivigineqartalissallutik.

Tassami Inuiliup KHRU-mik paaseqatiginnissimagaluarnera "annaaneqartussatut" isikkoqarpoq, atuarnerup pingaarnersaa Danmarkimi ingerlanneqartussanngorsimagaangat. Tamannali aamma toqqammavigalugu Inuili tassaatinneqassalluni ilinniartitaaneq tamaat isigalugu akissusaatinneqartartussa, taamaattumillu Inuili aamma tassaassalluni ilinniarsimanermut uppersaatsaatsanik isumaginnittuusartussa.

Pisortaaq

Illuutitigut sanaartornerit eqqarsaatigalugit upernassaq immikkut unammillernartoqarfiusimavoq. Nukissiorfiup pumpiutaata februarip qaammataani "qerruttoorluni" atorsinnaajunnaarneratigut, aamma erngup kuuffiillu aqutaat qerruttoorfiusimapput, tamakkuli manna tikillugu suliluarineqarlutik naamassineqarsimangillat. Tamakku pillugit Naalakkersuisoqarfik pisut pillugit kalerriussiffigineqarsimavoq, tassangaanniillu aserfallattaaliinerit pisariaqaqisut isumagineqarnissaat suliniuteqarfigineqalersimallutik.

Upernaviarsummi pissutsit siuliani saqqummiussiffigineqareerput. FishTech aamma taamatut pineqareerpoq. Kantinamik ingerlatsineq pingartilugu ukiuni kingullerni sammineqartarsimavoq, soorlu aamma 2017-mi taamatut pisoqarsimasoq. Tamakku pissutigalugit kantinaqarfik amigartooruteqarfiusarsimavoq, tassami akissarsianut aningaasartuutit qaffassimariarlutik, pikkorissaanerit avataani ingerlanneqartalersimanerisigut isertitakinnerulersoqarsimammata.

Sulisut eqqarsaatigalugit sulisoq ataaseq suliunnaartariaqarsimavoq, tamatumuuna sivisuumik napparsimasimaneq pissutaasimalluni.

Nutaarsiassiisarneq sammivigalugu saqqummiussassaq siulersuisut tullissaanik ataatsimiinnginnerini saqqummiunneqarumaarpoq.

Imm. 7. Immikkut taajumasat

LP-p Inuili nerisassiornermut ikiortissat soraarummeersinneqarneranut atatillugu najorsimavai. Inspektørip tamatumuuna qinnuigisimavaa pineqartut pikkorissartullu oqalugiarfigilaaqqullugit, pikkorissartummi aamma ulloq taannarpiaq naggataaruteqarsimammata.

"Brandlovers" pillugit suliuniuteqarnerit, ilinniartitsinissanillu pilersaarusiornernut atatillugu T-shirt-iliarineqarsimasut siulersuisunut saqqummiunneqarput.

INUILL Bestyrelsesmøde nr. 4 for perioden 2017 - 2021

Siulersuisut tullissaanik ataatsimiinnissaat.

Ulloq 18.03. ullulerneqarsimasutigut imatut email-ikkut nalunaaruteqarsimavunga: **GM/Nunatsinni pissartanngorniutitsineq**: Tunngaviatigut ilinniagaqartut "hovedforløb"-iat, sap.ak. 39-mi naamassineqartussaavoq. Pissartanngorniuneq sap.ak. 37 imal. 38-mi ingerlanneqarsinnaavoq? Piaartumik, siulersuisullu tullissaanik ataatsimiinnginnerini aalajangiisoqartariaqarpoq. Pisariaqarmammi suliffeqarfiit piaartumik ilisimatinneqarnissaat. Ilanngullugu ilisimatitsissutigissavara ukiaanerani siulersuisut ataatsimiinnissaat ulluni 08.11.-09.11. pisussaq Narsami ingerlanneqartussaassammat, piffissamilu tassanerpiaq pissartanngorniuneq ingerlanniarneqarluni. Immikkut qisuariaateqartoqarsimannginnera toqqammavigalugu, naatsorsuutigivara tullissaanik siulersuisut ataatsimiinnissaat ulloq 11. november pisussaassammat. Angalanissat aaqqissuuneqassapput, ullorlu ataatsimiiffissaq inissinneqartariaqarluni. Illumut sapaat 11.11. toqqassanerparput?

Imaqarniliaq akuersissutigineqarpoq, ulloq:

Karsten Lyberth-Klausen, siulittaasoq

Anna Marie Knudsen, pisortaanerugallartoq